

USVOJENA REZOLUCIJA O GENOCIDU U SREBRENICI 17.06.2021:

Skupština Crne Gore:

- 1) najoštrije osuđuje genocid u Srebrenici;
- 2) potvrđuje da se genocid dogodio na tlu Evrope nakon Drugog svjetskog rata u kojem je stradalo preko 8.000 civila bošnjačke nacionalnosti;
- 3) osuđuje pokušaje pripisivanja odgovornosti ili krivice srpskom, bošnjačkom, hrvatskom ili bilo kojem drugom narodu za genocid, zločine protiv čovječnosti ili druge zločine, jer odgovornost može biti isključivo individualna, a nijedan narod ne može biti označen kao genocidan ili zločinački;
- 4) poziva nadležne institucije na primjenu pozitivnih propisa kada su u pitanju radnje i djela javnog negiranja postojanja ili umanjenja genocida u Srebrenici;
- 5) naglašava značaj i potrebu da se ustanovi 11. jul danom sjećanja na žrtve Srebrenice;
- 6) potvrđuje rješenost države Crne Gore, kandidata za članstvo u EU i punopravne članice NATO alianse, da afirmiše vrijednosti mira i stabilnosti i multietničkog sklada;
- 7) poziva nadležne institucije na sprovođenje istraga i procesuiranja optuženih za genocid u Srebrenici, ratne zločine i zločine protiv čovječnosti;
- 8) najoštrije osuđuje sve zločine počinjene u ratovima na prostoru bivše Jugoslavije, izražava saosjećanje za sve žrtve kao i za njihove porodice i naglašava značaj postizanja pravde i dugoročne podrške preživjelima, apelujući na pomirenje u regionu, jačanje međunacionalne i međuvjerske tolerancije, razumijevanje i solidarnost.

PREDLOG REZOLUCIJE O GENOCIDU U SREBRENICI od 25.12.2020:

Skupština Cme Gore:

- 1) najoštrije osuđuje genocid u Srebrenici;
- 2) potrđuje da se genocid dogodio na tlu Evrope nakon Drugog svjetskog rata u kojem je stradalo preko 8.000 civila bošnjačke nacionalnosti;
- 3) zabranjuje javno negiranje postojanja ili umanjenje genocida u Srebrenici;
- 4) proglašava 11. jul Danom sjećanja na žrtve Srebrenice;
- 5) potvrđuje rješenost države Crne Gore, punopravne članice NATO alianse, da afirmiše vrijednosti mira i stabilnosti;
- 6) poziva nadležne institucije na sprovođenje istraga i procesuiranja optuženih za genocid u Srebrenici, ratne zločine i zločine protiv čovječnosti;
- 7) izražava saosjećanje za sve žrtve u ratovima na prostoru bivše Jugoslavije, kao i za njihove porodice i poziva sve susjedne države da nastave da obezbjeđuju pravdu i dugoročnu podršku preživjelima.

RAZLIKE IZMEĐU PREDLOGA REZOLUCIJE I REZOLUCIJE

DODATA je tačka pod brojem 3 usvojene Rezolucije:

„osuđuje pokušaje pripisivanja odgovornosti ili krivice srpskom, bošnjačkom, hrvatskom ili bilo kojem drugom narodu za genocid, zločine protiv čovječnosti ili druge zločine, jer odgovornost može biti isključivo individualna, a nijedan narod ne može biti označen kao genocidan ili zločinački“;

IZMJENJENE SU:

- tačka 3 Predloga: „zabranjuje javno negiranje postojanja ili umanjenje genocida u Srebrenici“ u tačku 4 Rezolucije: „*poziva nadležne institucije na primjenu pozitivnih propisa kada su u pitanju radnje i djela javnog negiranja postojanja ili umanjenja genocida u Srebrenici*“;
- tačka 4 Predloga: „*proglašava 11. jul Danom sjećanja na žrtve Srebrenice*“, u tačku 5 Rezolucije: „*naglašava značaj i potrebu da se ustanovi 11. jul Danom sjećanja na žrtve Srebrenice*“;
- tačka 5 Predloga: „*potvrđuje riješenost države Crne Gore, punopravne članice NATO alijanse, da afirmiše vrijednosti mira i stabilnosti*“ u tačku 6 Rezolucije: „*potvrđuje riješenost države Crne Gore, kandidata za članstvo u EU i punopravne članice NATO alijanse, da afirmiše vrijednosti mira i stabilnosti i multietničkog sklada*“;
- tačka 7 Predloga: „*izražava saosjećanje za sve žrtve u ratovima na prostoru bivše Jugoslavije, kao i za njihove porodice i poziva sve susjedne države da nastave da obezbjeđuju pravdu i dugoročnu podršku preživjelima*“ u tačku 8 Rezolucije: „*najoštije osuđuje sve zločine počinjene u ratovima na prostoru bivše Jugoslavije, izražava saosjećanje za sve žrtve kao i za njihove porodice i naglašava značaj postizanja pravde i dugoročne podrške preživjelima, apelujući na pomirenje u regionu, jačanje međunacionalne i međuvjerske tolerancije, razumijevanje i solidarnost.*“